

3

IACOBI FAB. STAPVLENSIS IN
EPISTOLAS DIVINI IGNA
TII ARGVMENTVM.



IGNATIVS IOANNIS euā
gelistæ discipulus, tertius a Petro An
tiochenæ ecclesiæ suffectus antistes,
in uinculis exultans, quia dignus ha
bitus sit pro nomine IESV contu
mellam pati, Rhomam missus ut ad
sæuissimas bestias depugnaret, & in
theatro dei miles feruētissimus inter solutos efferatissimos
leones medijs spectaculum præberet: scripsit epistolas un
decim, sua uincula p Christo cōtinentes, plenas sancti spi
ritus feruore, sacrū eius pectus suauiter agitantis. Quapro
pter pie legendæ & pronuntiandæ sunt, non laxæ, non re
misse, eneruo emollitoq; animo, sed cum feruore. sic em̄ &
eas scripsit totus ardēs, totus gestiens, totus flammatus, cu
piens dissolui & esse cum Christo sacratissimus martyr, di
uino iam amore inebriatus. Delicias etenim paradisi in ex
tasi & amatorię mentis excessu, aliquando ipsum expertū,
posteris reliquit antiquitas. & psalmos & cantum per anti
phonū ad angelorum auditā harmoniā, ecclesijs tunc cœle
stiformiter uiuētibus primū induxisse. Primā eius epistolā
scribit ad Trallianos, secundā ad Magnesios, tertiā ad Tar
senses, quartā ad Philippenses, quintā ad Philadelphios, se
xtam ad Smyrneos, septimā ad Polycarpum Smyrneorum
episcopum. octauam ad Antiochenses, nonā ad Heronem
diaconum Antiochenum, decimam ad Ephesios, & unde
cimā ad Rhomanos. Et has epistolas (cum, ut ex more solī
litū erat, in ecclesijs sancto cœtu conuocato ad oēs legeren

A ij tur

tur) dubiū non est, fidelium corda sic tunc aperuisse, ut plane miserū se putaret, qui a passiōe fuisset exclusus, qui relictus fuisset. quandoquidē & nunc legentes, qui uificantē spiritum sentiunt, illo desyderio & pietate non frustrentur. Et adiecta est una Polycarpi martyris, Smyrneorum antistitis epistola, quæ his epistolis testimonium affert, cuius & Hireneus & Eusebius meminerunt. Et sæpe hic deo dignus martyr, in sacro ipso affectatæ immolationis suæ exprimendo feruore, hoc loquendi genere utitur. ego pro uobis, ego pro animabus uestris efficiar. Quæ sententia est sacratissimi Pauli, ardentis Christi apostoli, secunda ad Corinthios epistola, capitulo duodecimo. Ego autem (inquit) libentissime impendam, & superimpendar ego ipse pro animabus uestris, uictimam se facere optans pro eorum animabus, qui in ecclesijs iā uersabantur, ingressurique erāt. Et reuera pro ipsis atque etiā pro nobis, qui ecclesiæ (dei nos miserāte benignitate) accessimus, & Paulus & reliqui apostoli, discipuli, Dionysius, Ignatius & Polycarpus uictimam se fecerunt. Et his epistolis beatissimi martyris, & inuicti Christi Iesu militis Ignati, testes accedunt Polycarpus, Hireneus, Eusebius Pamphili, & Hieronymus. Denique interscribendum, cū ducitur ad huius mundi præsides, & mortalia tribunalia, prophetat, & quæ surgere debeant hæreses, præuidet, aduersus quas, & quæ iam extabant, magno mentis affectu præmunit. Et plane a mentibus pijs, eorum qui hæc pro dignitate & reuerenter legunt, agnoscitur spiritus in eo loquens, & uerba pro ueritate uincto subministrans. Ego enim (inquit ueritas) dabo uobis in illa hora os & sapientiam, cui non poterunt resistere & contradicere omnes aduersarij uestri.

Finis Argumenti.